

16





5 17

MEDICATIO  
SENI  
VERTIGINOSI:

QUAM

Divino adjuvante Numine,

SUB PRÆSIDIQ

VIRI CLARISSIMI

D. HENRICI REGII,

Reipub. Ultrajectinæ Poliatri, & Medicinæ  
ac Botanices Professoris Ordinarii,

*Publicè examinandam proponit*

ADRIANUS à BEECK, Ultraject.

*Ad diem 21. Junij, horâ 9. matutinâ.*



Naturâ & Industria.

TRAJECTI ad RHENUM,  
Apud PETRUM DANIELIS SLOOT,  
ANNO M. DC. XLV.

*Optimis & Consultissimis Viris,*

D. JACOBO van BEECK, Parenti suo observando & Filiali amore perpetuo venerando.

D. NICOLAO BROECHUYSEN, Civitatis Ultrajectensis Pharmacopolæ solertissimo. } Affinibus suis, omni obser-

D. THOMÆ MASIO, Notario publico, & Curia Ultrajectina Procuratori peritissimo. } vantia & honore colendis.

U T E T

*Clarissimo spectatissimoque Domino,*

D. REGNERO LOOTS, J. V. D. & Advocato consultissimo, Amico suo plurimum colendo.

*Hasce studii Medici primitias, eò quo decet animo,*

Inscribit & offert

ADRIANUS van BEECK.

# MEDICATIO

## SENI S

# VERTIGINIOSI.

## I.

**S**enex quinquagenario major, crassus, obesus, pituitosus, in otio vivens, somnolentus, victu pituitoso & crassa cerevisia diu usus, cum nuper ambulandi causa foras esset egressus, visus est sibi videre res omnes objectas, ut homines, arbores, domos, celeriter in gyrum agi. Malo, paulò post, ingravescente, cum sese sustinere non posset, in terram est prolapsus: Vbi aliquamdiu jacuit, donec paroxysmus esset finitus; qui ab eo tempore jam sæpius rediit. Adest capitis gravitas, facies inflata & decolor; per os & nares multum pituitæ excernit. Ex intuitu rerum profundarum, vel in orbem actarum, facile novum paroxysmum incurrit.

## II.

In hoc ægro afficitur cerebrum: cum visio, citra oculi, medii, vel objecti vitium, hic lædatur. Afficitur autem, tum secundum eius substantiam, quod probant excrementa pituitosa ex ore & naribus copiose excreta, item capitis gravitas: tum secundum spiritum, quod, ex symptomate præcipuo, ægrum nostrum infestante, est manifestum.

## III.

*Morbus*, qui eum molestat, est *Vertigo*; sive intemperies frigida & humida cerebri, spirituumque animalium in ventriculis cerebri motus vorticosus; quæ visus fallaciam, sive depravatam visionem, quâ omnia objecta visibilia circumgyrari ipsi videntur, inducunt.

## IV.

*Procatartica* hujus affectus *causa*, est otiosa ægri vita, & diurnus ciborum pituitosorum & crassæ cerevisiæ usus, quibus adjuvante temperamento ejus pituitoso & senili ætate, magna pituitosorum humorum copia in toto ejus corpore est genita: quæ *antecedentem* hic constituit causam. Ea vero in cerebrum delata, ibidemque per circuitus quosdam in spiritus crassos ac vorticosos *conversa continentem* huic morbo & symptomatis suppeditat causam.

## V.

Etenim imagines rerum visibilium, ex oculis ad spiritus animales in ventriculis cerebri in vorticem actos, delatæ, & circumgyrando sensorio communi oblata, visus illam fallaciam pariunt, qua omnia objecta visibilia eodem modo in orbem agi videntur, quo *imagines rerum visibilium*, quæ per fumos in aëre circumgyratos oculis offeruntur, *speciem objectorum circumactorum* exhibent. Eodem enim, ad circumgyrationis visionem in sensorio communi faciendam, redit, sive imagines in aëre ante oculos, sive in spiritibus animalibus, in ventriculis cerebri existentibus, ante sensorium commune, circumagantur. Cum utraque ratione imagines, ad sensorium commune, circumgyratae perveniant, & ibidem ab anima circumrotatae percipiuntur.

## VI.

Circumgyrantur autem spiritus animales, per certos circuitus in cerebri ventriculis nostri ægri, quia per certa temporis intervalla, cerebrum & sanguis in cerebro, ac præcipue in plexu choroide, existens, talem acquirunt intemperiem, ut tam crassi per exhalationem in ventriculis gignantur spiritus, qui, quia satis commodè & copiosè per nervos in totum corpus distribui, atque ideo ad lineam rectam tendere non possunt, in gyrum, propter novos spiritus ibi perpetuo supervenientes & vehementius ibidem motos, eodem modo aguntur, ut ventus in angulum aliquem, ubi transitus non datur, delatus, ab insequente vento in *vorticem* rotari solet. Spiritus autem isti, præterquam quod sint  
crassi,

crassi, non possunt, ob istam circumrotationem, nervos satis copiose ingredi, nec musculos ad corporis sustentationem sufficienter inflare, atque ideo in vertiginoso hoc paroxysmo, ob spirituum animalium in musculis defectum, prolabitur noster æger in terram, ibidemque tam diu jacet, donec, vertigine cessante, spiritus animales officium rursus faciant.

VII.

A conspectu rerum valde profundarum oritur novus vertiginis paroxysmus; quia conspectus ille terrorem ægro incutiens, cerebri & nervorum poros angustat, quo spiritus, in nervos sufficienter fluere & ad lineam rectam tendere nequeunt, in ventriculis cerebri in gyrum aguntur. Idem spirituum vortex etiam ab aspectu rerum circumrotatarum oritur; quia ipsa imago rei circumrotatae, ad spiritus ventriculorum delata, etiam circumrotatur; atque ideo spiritus nostri ægri animales, ad circumrotationem vehementiorem, ob causas jam dictas, valde apti, ab illa imaginum circumgyratione, facile in gyrum moventur.

VIII.

Sunt qui existimant, imaginationem hic esse læsam. Sed quia hic nulla imaginum antea perceptarum fit prava conjunctio, separatio, vel detorsio, in quibus solis imaginatio depravata consistit; aut tantummodo rei visibilis presentis prava perceptio, sequitur non imaginationem, sed visionem tantum esse depravatam. Nec obest, quod forsitan nonnulli, hoc affectu laborantes, res objectas revera circumrotari putent. In illis enim non imaginatio, sed præter visum, etiam iudicium officio non fungitur.

IX.

Nisi morbus hic tempestivè curetur, metus est ne in hoc sene in apoplexiam, carum, vel alium similem cerebri gravem affectum, degeneret.

X.

Curatio itaq; primo quoquo tempore est auspicanda. eaq; circa causam præcategoricalæ, antecedentis, & deinde continentis ablationem; ac denique circa intemperiem cerebri spirituumque corrigendam, per contraria remedia, versabitur.

F 3

Sumat



XI.

Sumat igitur omnium primo tales pilulas, mane jejuno ventriculo:

R. pil. cochiarum, de biera simp. an. drag. s.  
 scammonij gr. vj. cum syr. ros. sol. q. s.  
 F. pilulæ N. IX.

Postea utatur hoc decocto alterante & purgante:

R. rad. enule campan. peonie maris an. vnc. s.  
 fol. maiorana, byssopi, salvia, lauri, betonicae an m. j.  
 rutæ, summitat: centaurei minor an. m. s.  
 flor. anibos, stechados, sambuci an. p. j.  
 sem. anisi, feniculi, carui, sileris montan. an. drag. j.  
 decoq. in aqu. com. ad lib. j. s.  
 in Colat. infunde pernoctem fol. sennæ vnc. j.  
 agarici vnc. s. rabarb. salappæ an. dragm. ij.  
 cimmamomi dragm. j.  
 expressioni forti adde syr de stechade, mellis scyllitici an. vnc. j.

F. Apozema: de quo sumat, pro ratione operationis, quotidie vel vel alternis diebus, vncias IV.

Corpore jam aliquoties expurgato, utatur hoc masticatorio medicamento:

R. uvar: passar. enucleatar vnc. j.  
 byssopi, origani an. scrup. i v.  
 rad. acori condite, sem. synapi an. drag. j.  
 piperis, mastiches an. scrup. ij. mellis q. s.

F. globuli masticatorii. quibus utatur jejuno ventriculo, & à prandio circa horam quartam pomeridianam.

Interea utatur hoc electuario:

R. rad. zinzib. conditi vnc. j.  
 conserv. fl. rorismarini, rosar. rubr. an. vnc. s.  
 sp. diarbod. abbatis, aromatici ros. an. scrup. ij.  
 syr. de stechade q. s. F. Conditum:

De quo sumat, ante cibi sumtionem, dragmæ quantitatem.

Et fonticulus cauterio aperiatur in cervicis parte posteriore:  
 vel



vel, si ibi molestior sit futurus, in alterutro saltem brachio, diu-  
que apertus seruetur.

Gestet quoque in capite hoc tegumentum pileo includendum:

R. fol. betonica, flor. camomill., rosar. an. m. f.

sem. nigellæ vnc. s. coriandri præpar. dragm. iij.

exsiccata & leviter contusa consuantur s. art. in panno serico: &

F. CUCURBA.

XII.

Tota Curatione aër sit temperatus, purus; cibus parcus, eu-  
peptus, nec flatuosus: potus, vinum & cerevisia mediocrium vi-  
rium, & parce sumtus. Corporis exercitium sit temperatum; sed  
capiti magis convenit quies. Somnus sit mediocris. Alvus re-  
spondeat arte vel naturâ. Inter animi pathemata vitet potissimum  
irram & tristitiam,

---

COROL.

## COROLLARIA.

1. **L**ien è corpore, salvâ vitâ, eximi nequit.
2. **N**ullum semen in testibus animalium, etiam quans' maximè libidinosorum, reperitur.
3. Menstruis fluentibus impossibile est fetum esse sanum.
4. Corpus humanum solo sanguine, vel massa sanguinea, alitur.
5. Hominem absque cerebro vivere impossibile est.
6. Pulmo & ab aère, & ad motum thoracis movetur.
7. Potus hominem nutrire potest.
8. Venesectioni quandoque superdormire conceditur.
9. Calculus induratus vesicæ, per medicamenta assumpta, frangi non potest.
10. Remedium universale ad quasvis intemperies curandas dari nequit.
11. Fames non fit à suctione venarum.
12. Corpus nutritur etiam per venas.
13. Vulnerato corde, homo aliquamdiu supervivere potest.
14. In principijs morborum rectè etiam purgatur eger.

F I N I S.


00 A 6396

ULB Halle 3  
002 928 167



*Sl*





LARIA.

biles? Neg.

ventriculorum cerebri.

Neg.

ar. Aff.

ortum ab inflammatione pleurae &  
n; sed etiã partis pulmonis lateralis.  
in solis 4. primis qualitatibus con-

oveatur? Neg.

ntum & effectum referri possunt.

ac deprimantur cum corde? Aff.



MEDICATIO

SENIS

VERTIGINOSI:

QUAM

Divino adjuvante Numine,

SUB PRÆSIDIQ

VIRI CLARISSIMI

D. HENRICI REGII,

Reipub. Ultrajectinæ Poliatri, & Medicinæ  
ac Botanices Professoris Ordinarii,

*Publicè examinandam proponit*

ADRIANUS à BEECK, Ultraject.

*Ad diem 21. Iunij, borâ 9. matutinâ.*



Naturâ & Industriâ.

TRAJECTI ad RHENUM,  
Apud PETRUM DANIELIS SLOOT,  
ANNO M. DC. XLV.

